

crassioribus brevioribus arcuè revolutis-subcircinnatis apice longissimè et divaricatim bipartitis.

— Hab. in aridis provinciæ *derbidjan* (Aucher N° 4875), in argillosis salsis propè *Teheran* (Kotschy N° 60).

Plantula nana cujus specimina prorsus acaulia habitu *Plantaginem Creticam* referunt. Folia 8-10 lin. longa basi lineam lata, capitula illis *K. linearis* minora. A *Kælp. linearis* eximie distincta foliis multò brevioribus pro longitudine latioribus, capitulis sessilibus nec longè pedunculatis, acheniis dimorphis præter aculeos dorsales non scabridis.

#### ROBERTIA TENUIFLORA Boiss.

*R.* foliis omnibus radicalibus oblongo-linearibus sub lente parçè setosis viridibus runcinato-pinnatilobatis lobo terminali majori, scapis tenuissimis folia vix duplò superantibus supernè squamulis paucis obstitis, capitulis parvis paucifloris, involucri phyllis planis albo-puberulis nigricantibus albomarginatis infernè longè et parçè crinitis ab exterioribus ad intima elongatis paucis, ligulis concoloribus, receptaculi paleis membranaceis lineari-acuminatis achenia superantibus, acheniis transversè rugosis breviter attenuato-rostratis, pappi plumosi setis basi vix dilatatis.

Hab. in insulâ *Cretâ* ubi legi cl. Prof. Raulin.

Planta bipollicaris, folia eis *R. taraxacoidis* minùs profundè divisa vix sesquipollicaria, scapi eis hujus duplò tenuiores, capitula minora; ab eâ insuper differt phyllis inæquilongis nec æquilongis exactèque uniserialibus, acheniis apice breviter attenuatis. Hæc planta habet faciem *Deloderii* sed hoc subgenus ab eâ differt receptaculo subnudo, acheniis longè rostratis, pappi setis paucis basi paleaceo-dilatatis, plumulis deciduis.

#### HAGIOSERIS Boiss.

Capitulum multiflorum. Involuerum biseriale squamis exterioribus linearibus patulis interioribus incurvis convoluto-cymbiformibus achenia radii foventibus apice longè acuminatis tandem deciduis. Receptaculum nudum. Achenia teretiuscula transversè rugosa exteriora valdè incurva pappo brevissimo coroniformi fimbriatulo superata interiora



rectiuscula plus minus breviter in rostrum attenuata pappo uniseriali e paleis 5 persistentibus longè attenuato-subulatis scabris plumosisque constanti plumis longissimis deciduis. — Herbæ orientales annuæ facie *Picrides* annuas referentes.

Hoc genus *Picridi* e grege *Spitzeliæ* vel *Medicusiæ* affine ab eis egregiè differt pappo non annulato deciduo multiserialique sed persistenti 5 paleaceo longè plumoso plumis deciduis, involucri phyllis deciduis; a *Thriniciâ* et *Kalbfussiâ* pappo uniseriali etc. longiùs distat. *Deloderium* Cass. acheniis muricatis, setis pappi basi in paleam dilatatis plumis deciduis affine differt receptaculo subpaleaceo, formâ et naturâ phyllorum involucri, acheniis conformibus.

#### HAGIOSERIS GALILÆA. Boiss.

H. caule erecto basi rubello jam infernè dichotomè ramosissimo ramisque setis brevibus basi incrassatis sparsis asperis cæterùm glabris, foliis margine et utrinquè ad nervos parçè et breviter setulosis oblongo-lanceolatis subintegris inferioribus basi attenuatis superioribus oblongis sessilibus basi amplexicaulibus rotundato-auriculatis, pedunculis capitulo pluries longioribus demùm fistuloso-subincrassatis sub capitulo squamulis 1-2 lineari-setaceis auctis, involucri phyllis exterioribus lineari-subulatis patulis setulosis dimidiò brevioribus, eis seriei interioris dorso carinatis undiquè extus setis aculeiformibus glochidiatis albis strigosis acumine subulato ciliato parti cymbiformi æquilongo terminatis, acheniis interioribus apice vix in collum attenuatis.

Hab. in herbidis *Galilææ*. (Boiss.)

Habitus et magnitudo capitulorum *Picridis Sprengerianæ*. Ligulæ subtus rubellæ involucrio subduplò longiores.

#### HAGIOSERIS AMALECITANA Boiss.

H. tota pilis albis tenuibus apice sæpè breviter glochidiatis setulosa, foliis radicalibus rosulatis lanceolatis repando-dentatis, caulibus plurimis brevibus a basi dichotomè ramosis decumbentibus, foliis caulinis a basi amplexicauli auriculatâ angustè lanceolato-linearibus acutis integris, pedunculis capitulo pluries longioribus supernè squamulis lineari-setaceis pluribus obsitis, involucri phyllis exterioribus angustè setaceis setulosis triplò brevioribus, eis seriei interioris rotundato-carinatis glochidiato-setulosis acumine a basi lanceolatâ subulato parte